

# Do kolebki Witaj-hibanja

**Žyłow** (SN/MiR). Lětsa woswjeći Serbske šulske towarstwo (SŠT) wosebity jubilej. W Žyłowje su před 25 lětami ideju Witaj-projekta zrodźili – z nowym widom na zachowanje serbskeje rěče, předewšěm na rewitalizowanje delnjoserbšćiny. Příklad za to běše wučer Jan Bart w bretonskim DIWAN-projekće nadešoł. Tehdyša předsydka SŠT Ludmila Budarjowa a kubłarki Žyłowskeje pěstowarnje „Mato Rizo“ běchu so wo skutkownosći metody „dospołneje imersije“ přeswědčili. Tak bu w léće 1998 w naspomnjenej pěstowarni Witaj-projekt zahajeny. Wón běše směrodajny za dalše tajke projekty po cyłej Łužicy. Přenjeje pěstowarni slědowachu dalše w Hornjej Łužicy kaž tež w měsće Choćebuz. Na to chce SŠT jutře z wosebitym zarjadowanjom skedźbnjeć. Po połdnju wotměje so na ležownosći kubłanišća program za džěći, jich starši a dalšich hosći. Nimo swjedźenskich narěčow a programa chowancow pěstowarnje změja džěći składnosć molować a paslić abo w tomboli myta dobyć. Dorosćenik pak móža bjesadować, na docpěte spominać a nowe ideje diskutować. Wječor wočakuja skupinu „nAund“.